

Սահակ Պարթև

Շարականներ

զԳալուստ Քո, Քրիստոս, այսօր

զԳալուստ Քո, Քրիստոս, այսօր
յԵրուսաղէմ՝ նոր եկեղեցի սուրբ,
Յաղթական երգով բարեբանեմք՝
Օրհնեալ եկեալ անուամբ Տերառն:

Որ վասն մերոյ փրկութեան՝
յԱւանակի նստիլ յանձն առեր
Ընդ մանկունսն բարեբանեմք
Օրհնեալ եկեալ անուամբ Տեառն:

Թագաւոր երկնաւոր,
զԵկեղեցի Քո անշարժ պահեա
Եւ զերկրպագուս անուանդ Քում
Պահեա ի խաղաղություն:

Թագաւոր գոլով քո յաշխարհ,

Թագաւոր գոլով քո յաշխարհ,
Մտեր ի քաղաքն Երուսաղէմ.

Նստեալ ի վերայ հողեղէն նոր յաւանակի,
Կոչել զհեթանոսս յերկրպագութիւն:

Ծերքն ոստովք ձիթենեօք,
Եւ տղայք ոստովք արմաւենեօք
Եւ երամ-երամ դասուքն աղաղակէին՝
Ովսաննա, օրհնեալ եկեալ ի յանունն Տեառն:

Յնծացաւ սուրբ Սիօվն,
Բերկրեցան սուրբ եկեղեցիք.
Եւ խնդութեամբ բազմաւ՝ ելին ընդ առաջ,
Օրհնէին զգալուստ քո, Փրկիչ, յաշխարհ:

Յորժամ եկն Յիսուս

Յորժամ եկն Յիսուս
Երուսաղէմ ի քաղաքն,
Ընդ առաջ ելին ծերքն՝
Ոստովք ձիթենեօք
Եւ զաստուածորդին փառաւորէին:

Ի լեռնէ Ձիթենեաց՝
Տարածանէին մանկունքն զհանդերձս իւրեանց.

Եւ ոստս ի ծառոց
Բերեալ մատուցանէին
Աստուածորդւոյն՝ սուրբ թագաւորին:

Ոստովք և տերևեալ ձիթենեօք

Երբ այեցուց մանկունքն որին էին՝
Ուրախ լեր, Երուսաղէմ քաղաք,
Եւ ցնծա, Սիովն,
Մայր եկեղեցի:

Ի յարութեան յաւուր գալստեան փրկչին

Ի յարութեան յաւուր գալստեան փրկչին,
Տարածանէին մանկունքն զհանդերձս
Եւ անդադար ձայնիւ օրհնէին՝
Օրհնեալ եկեալ անուամբ տեառն:
Ոստս ի ծառոց բերեալ մատուցանէին
Աստուածորդոյն առ ճանապարհան.
Եւ անդադար ձայնիւ օրհնէին՝
Օրհնեալ եկեալ անուամբ տեառն:
Ի ծերոց բղիւսեալ օրհնութիւն
Եւ ի տղայոց՝ փառաբանութիւն.
Եւ անդադար ձայնիւ օրհնէին՝
Օրհնեալ եկեալ անուամբ տեառն:

Այսօր գալով ի Բեթանիայ

Այսօր գալով ի Բեթանիայ,
Քո ամենագօր հրամանաւդ
Չայնեցեր Ղազարու,
Եւ դողացաւ մահ,

Դժողք պարտեցաւ,
Ապականութիւն լուծաւ,
Կենդանարա՛ր Քրիստոս,

Կեցո՛ւ ըզմեզ:

Այսօր գալով ի Բեթանիայ,

Զքո զաշխարհակեցոյց

Սուրբ զյարութիւնդ

Յառաջագոյն ծանուցեր՝

Անապականբար կոչմամբ

Զչորեքօրեայն ի թաղմանէ,

Կենդանարա՛ր Քրիստոս,

Կեցո՛ւ ըզմեզ:

Այսօր գալով ի Բեթանիայ,

Եբրայեցոց մանկունքն

Սքանչացեալ ասէին՝

ԸզՄարիամու զեղբայրն

Ի թաղմանէ յարուցեալ՝

Որդւոյն Մարիամու.

Կենդանարա՛ր Քրիստոս,

Կեցո՛ւ ըզմեզ: